

# San Pablo kitlajkuililia Filemón

## *Pablo kitlajkuililia Filemón*

<sup>1</sup> Ne Pablo nitsaktok por niktekitilia n Toteko Cristo Jesús. Ne iwan tokni Timoteo, timitsijkuililiah nin amatlajkuíloli te Filemón, tokni non satlawel timitstlasojtlah, ken noiwa titekiti inawak Cristo kemi tejwah. <sup>2</sup> Noiwa tikintlajkuililiah nochteh akimeh moololoah mocha, noiwa tikontlajpaloah n tokni siwatl Apia, iwan tokni Arquipo akin mach mosotlawa iwa nochipa techpalewíjtinemi itech nin tekitl.

<sup>3</sup> Totajtsi Dios iwa n Toteko Cristo Jesús, manomechtiochiwakah iwa manomechmaka yolsekwílistli.

## *Filemón kualí tetlasojtla iwa kualí tlaneltoka*

<sup>4</sup> Nochipa nimitsilnamiki ijkuak nimotiotsajtsilia, iwa nimotlasojkamati inawak Dios,

<sup>5</sup> ken nechiliah te satlawel tikmati titetlasojtla iwa mitsitah kualí titlaneltoka inawak Toteko Cristo Jesús iwa tikintlajkuililiah nochteh akimeh iaxkawah Dios.

<sup>6</sup> Niktlajtlanilia Totajtsi Dios nochteh akimeh yokineltokakeh Cristo por okitakeh motlaneltokalis, kualí makajsikamatikah n tlatiochiwálistli non Cristo Jesús techmaka.

<sup>7</sup> Miak nipaki, ken titetlasojtla yika nimoyolchikawa, porke te notlasojiknitsi satlawel

yotikinyolchika n tokniwah non kineltoka Cristo Jesús.

*Pablo kitlatlaujtia n Filemón makitlapojpolwi n Onésimo*

<sup>8</sup> Yika, maya niweleti nimitsnawatis tlan tikchiwas,

<sup>9</sup> okachi kuali nimitstlatlaujtia ika notlasojtlalis. Ne Pablo, ya nitetajtsi, iwa axa nitsaktok por oniktetlapowijtinemia itlajtol Cristo Jesús.

<sup>10</sup> Nimitstlatlaujtia por Onésimo, akin yomochiwako nopiltsi ijkuak okineltokak Cristo Jesús, nika kan nitsaktok.

<sup>11</sup> Itech oksikimeh tonatijmeh Onésimo okatka se motlanemak non amitla oweletia okichiwaya, pero axa kuali tekiti nonawak iwa te noiwa kuali weletis mitstekitilis.

<sup>12</sup> Yika oksepa nimitsontitlanilia, xikseli kemi techseliskia ne nonewia.

<sup>13</sup> Ne niknekiskia mamokawa nowa, para makichiwa n tekittl non te tikchiwaskia nika kan onechtsakeh por oniktetlapowijtinemia n kualitlájtolli.

<sup>14</sup> Pero ne amo nikneki nikchiwas itla tlan te amo mitspaktia, ijko tlan te techchiwilis, amo xikchiwa san por nimitsnawatia yej makisa itech moyolo.

<sup>15</sup> Chamo Onésimo omitscholili kech tonati, iwa axa mawalmokopati mamokawa nochipa mowa,

<sup>16</sup> pero axa ayakmó kemi motlanemak, yej kemi mokni non tiktlasojtla. Ne kuali niktlasojtla, pero te okachi xiktlasojtla, amo kemi se tlakatl de nin tlaltikpaktli yej kemi se mokni non kineltoka n Toteko Jesús.

<sup>17</sup> Ijkó kiné, tla milák techita kemi titekipano-jkeh, xikyekseli n Onésimo kemi techseliskia ne nonewia.

<sup>18</sup> Tla omitstokti itla amokuali, noso tla itla mitswikilia, ne nimitstlaxtlawilis.

<sup>19</sup> Ne Pablo, nikijkuiloa nin amatlajkuíloli ika noma, para xikmati ne nimitstlaxtlawilis, maya noiwa weletiskia nimitsilnamiktiskia te noiwa techwikilia, asta moalma.

<sup>20</sup> Ijkó kiné nokni, kemi tikneltokah Toteko Cristo Jesús, nimitstlatlaujtia techonchiwili tlan nimitsontlajtlanilijtok, techyolchikawa kemi ti-iknimeh inawak Cristo.

<sup>21</sup> Nimitstlajkuililia porke nimitsixmatok titet-lakitak, iwa kuali nikmatok te tikchiwas okachi de tlan nimitstlajtlanilia.

<sup>22</sup> Noiwa nimitstlatlaujtia techmajmanili kan nimokalotis ompa mocha, porke nikneltoka nik Dios kikakis nomotiotsajtsilis iwa nechkawilis maniwia manomechitati.

*Pablo momakawa*

<sup>23</sup> Mitsontlajpaloa Epafras, akin nowa tsaktok ken iaxka Cristo Jesús.

<sup>24</sup> Noiwa mitsontlajpaloa Marcos, Aristarco, Demas iwa Lucas, akimeh nechpalewiah itech noteki.

<sup>25</sup> Itlatochiwalis n Toteko Cristo Jesús mayeto iwan nomoespíritu.

**Itlajtlot Totajtsi Dios**  
**New Testament in Nahuatl, Southeastern Puebla**  
**(MX:npl:Nahuatl, Southeastern Puebla)**

copyright © 2011 Wycliffe Bible Translators, Inc.

Language: Nahuatl, Southeastern Puebla

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Nahuatl, Southeastern Puebla

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

4d269f11-cca1-521d-b89a-6683ffdc9c2